



UNIVERSITÄTS-
BIBLIOTHEK
PADERBORN

**De Ortv Et Progressv Ac Viris Illvstribvs Ordinis
Gloriosissimæ Dei Genitricis, semper Virginis Mariæ de
monte Carmelo**

Trithemius, Johannes

Coloniae Agrippinae, 1643

Cap. VI. Sancti ac Patroni Ordin. Carm.

[urn:nbn:de:hbz:466:1-64495](https://nbn-resolving.org/urn:nbn:de:hbz:466:1-64495)

CAPVT VI.

Sancti ac patroni ordinis Carmelitarum.

Primus prodeat *S. Elias* propheta, quem vt *Martyrol.*
 ducem ac patronum Carmelitæ meritò co- *Rom. 20.*
 lunt ac venerantur. Magistrum discipulus *Iulij, &*
 subsequatur *S. ELISÆVS*, itidem propheta. Horum *14. Iunij.*
 dies festi non modò apud Latinos, sed & apud Græ-
 cos (vt ex ipsorum constat Menologio) sunt cele-
 bres. Res ab ipsis præclarè gestas sacre recitant
 litteræ, itemque Epiphanius libro de vita & interi-
 tu Prophetarum, *Metaphrastes, & alij.*

S. DIONYSIVS imitatus sanctissimos illos mona- *19. Ian.*
 stici instituti duces, qui ædificatis sibi casulis prope *Martyrol.*
 fluenta Iordanis, & turbis vrbiũ derelictis, herbis *Rom. 26.*
 agrestibus victitabant, monasticam & verè pro- *Decemb.*
 pheticam vitam aliquamdiu egit: inde ad Sum-
 mum Pontificatum assumptus *Valeriano & Galieno*
 Imperatoribus Ecclesiam gubernauit. Hic *Sabellij*
 hæresim emergentem editis commentarijs profligauit; mediam ac planè regiam sternens viam, qua
 contrariæ illæ hæreses *Sabellij* scilicet, & *Arij* con-
 futarentur. Parochias & Diœceses instituit aliaque
 permulta Ecclesiæ vtilia sanxit. Tandem vero pro
 Ecclesia Dei, aduersus Hæreticos & persecutores *An. 272.*
 plurimis laboribus exantlatis feliciter migravit ad
 Dominum: cum sedisset annos vndecim, menses
 tres, & dies quatuordecim. Fuit hic Sanctiss. Pon-
 tifex primus, qui ex Monachis ad vniuersalem
 Christi Ecclesiam gubernandam fuit assumptus;
 quod vtique non sine speciali Dei prouidentia con-
 tigisse æquum est existimare. Vt videlicet, quem *NOTA.*
 admodum sacer Carmeli ordo (cuius hic sanctus
 alumnus exstiterat) est omnium primus, antiqui-
 tate cæteris præeminens, ita primus ex Religiosis
 Pontifex Romanus, ex eodem Ordine antiquissi-
 mo deligeretur.

22. Ian.

S. ANASTASIVS Persa Martyr. Hic adolescens in militia *Cosdroæ* Regis ascriptus, miraculis Domini-
cæ Crucis, quæ tunc in perfidem delata fuerat, per-
motus Christianus effectus est, ac deinde Ierosoly-
mis monasticum habitum sumpsit, in Cœnobio
Carmelitarum Aureæ portæ, quod fuit quondam
Domus *S. Annæ* matris Deiparæ virginis. Trans-
actis postea in monasterio, summa cum laude,
septem annis, per visum agnoscens, Martyrem se
futurum Casaream Palæstinæ perrexit, ubi pluri-
ma tormenta carceris, verberum, & vinculorum
perpeffus, & a *Cosrhoæ* Persarum Rege multis pec-
nis affectus, ad vltimum decollatus fuit, cum prius
septuaginta Socios in fluenta demersos ad marty-
rium præmississet. Eius caput Romam delatum est,
vna cum veneranda eius imagine, cuius aspectu fu-
gari Dæmones, morbosq; curari, *Acta secundi Con-
cilij Nicani* testantur.

23. Ian.

S. CYRILLVS Alexandrinus in Ægypto Episco-
pus, eximius Ecclesiæ Doctor, studiorum curriculo
Athenis exacto, à *B. Ioanne* Ierosolym. Episc. vitæ
Christianæ perfectionem hausit. Cuius consuetu-
dine confirmatus, in *Carmelum* montem secedens,
ibi cum plurimis Eremitis sub Deiparæ tutela de-
gentibus, cœlestem vitam in terris aliquandiu e-
git. Alexandria post Episcopus factus, *Nestorianos*,
Nonatianos, *Anthropomorphitas*, aliosq; Hære-
ticos, cum voce, tum scriptis acriter est infectatus.
Cælestini primi Pontificis Romani in Ephesino
Concilio *Legatus & Vicarius*, victis Nestorianis,
Beatiss. Virg. *Mariam* verè *Dei Matrem* esse con-
firmavit atque adstruxit. Floruit in Episcopali mu-
nere annis duobus & triginta, nimirum ab anno
Christi 412. vsque ad an. 444. vt in Annalibus suis
Baronius commonstrat.

Duo hic subiicienda censui pro Carmelitis, ad
perpetuam Sanctiss. *P. Cyrilli* memoriam.

Primum, quod cum frequenter in Templis Car-
melitarum

melitarum, ob partam contra Nestorium victo-
riam, caneretur: *Sancta Maria mater Dei ora pro no-
bis*. Nedum titulus iste vbique locorum in Templis
huius Religionis receptus est; verum & addita-
mentum illud accepisse, in vniuersa Ecclesia, An-
gelica Salutatio facile creditur: *Sancta Maria ma-
ter Dei ora pro nobis peccatoribus, nunc & in hora
mortis nostrae*.

Secundum, quod Carmelitæ, ex consensu Histo-
ricorum huius Ord. nouo titulo appellari cœpe-
runt, hoc speciosissimo nomine, *Fratres Eremitæ
B. Maria virg. de monte Carmelo*, in memoriam
Cyrillianæ victoriæ contra Nestorium; quæ deno-
minatio a Summis Pontif. confirmata & indulgen-
tijs decorata est.

S. PETRVS THOMAS, siue *Thomasius*, ex mona-
cho Carmelita primum Pæcensis Episcopus, post
Patriarcha Constantinopolitanus ac Sedis Apосто-
licæ *Legatus*: Doctor percelebris, summiq; Regis
signifer bellicosus, qui post innumeras non modo
de spiritualibus, sed & corporalibus S. Crucis mi-
micis victorias, post complures conscriptos libros,
ac patrata miracula, infidelium telis, pro Christi
nomine confossus, occubuit, die & hora, a se præ-
signatus, anno 1366. Eius corpus Famagustam de-
latum ibidem honorificè colitur: cuius patrocini-
um illius loci incolæ singulariter contra epide-
miæ & pestilentiæ morbum cum deuotione ac fru-
ctu vberrimo implorant. Eidem feruentius ali-
quando pro sui Ordinis conseruatione & augmen-
to oranti, *Deipara* virgo apparuit inquit: *Confi-
dito Petre, Religio enim Carmelitarum in finem vsq;
seculi est perseueratura; Elias namq; eius institutor
iam olim etiam à Filio meo in illius transfiguratione
idem petijt, & impetrauit*. Scripta ab eo edita, *Tri-
temius, Possseuinus* & alij commemorant.

S. ANDREAS, Florentiæ nobilissima *Corsinorum* 30. Ian.
familia natus Carmelitanæ Religionis in patria ad-
sociatus

29. Ian.
Molanus
6. Ian.

*in Au-
stario ad
Vsuardū
6. Jan.*

sociatus est; cui Sacerdotij sui primitias offerenti, Beata virgo *Maria* cum splendido Angelorum comitatu apparuit dicens: *Servus meus es tu, quoniam ego elegi te, & in te gloriabor.* tandem ob præclaram vitæ sanctitatem, Fesulanæ, inuitus licet & renitens, præficitur Ecclesiæ; quam per duodecim annos summa cum prudentia gubernavit, *omnibus omnia factus, ut omnes lucrifaceret.* cum vero plurimis miraculis, & prophetiæ spiritu claruisset, *Beatis.* Virginis apparitione de obitu certior factus, anno ætatis 71. duplicato locuples talento, in Domini sui gaudium, supra multa constitutus intrare meruit; anno salutis 1373. Ab ingressu ordinis 99. Res eius gestas scripsit nostra ætate *Franciscus Catanus* Diacetus patricius Florentinus & Fesulanus antistes, itemque *Gabriel Flamma*, Venetus, ex Canonico Regulari Glusienfis Episcopus. Sacrum porro *S. Andreae* corpus, Florentiæ apud Carmelitas, summa veneratione integrum adseruatur.

*21. Febr.
Martyrol.
Roman.
Kalend.
Ianuar.*

S. EUPHROSYNA virgo Alexandrina tempore *Theodosij* iunioris, monasticum vitæ institutum, in celebri quodam Carmelit. Ord. Cœnobio amplexa est. Huius Virginis vita, tot refulget sanctitatis margaritis, tot splendescit virtutum gemmis, ut nitidos stelliferi cæli vincat splendores.

25. Febr.

S. AVERTANVS Confessor, natione Gallus, patria Lemouicensis; à primis adolescentiæ annis, lachrymosis quotidie precibus ante *B. Virginis* aram, cœlum ipsum pulsare solebat, humillime petens, quid ad animæ salutem statuendum, sibi manifestari. Cui nocte quadam Angelus Domini, luce coruscus apparuit inquiens: *Surge virorum optime & ad B. Mariæ virg. de monte Carmelo sacratam adem perge, cum cæteris illius familia mansurus.* Mira hac visione recreatus, mundanis omnibus relictis, ad Lemouicense Carmelitici instituti monasterium conuolat, & illorum numero adscriptus, tanto cum fervore Deo, Deiparæq; Virg. inservire cœpit, ut

morum

morum sanctitate ceteros antecelleret; obedientia adeo deditus, ut a coetaneis suis, vulgo *obedientia filius* denominaretur. Orationi noctu diuque vacat. Obijt anno 1380. cum ante praedixisset gravissimum illud schisma, quod tunc Ecclesiam Dei miserè lacerabat, *Deiparae* Virginis precibus sedandum. Quod euentu ipso comprobatum est, instituto enim ab *Vrbano VI.* sacro Visitationis B. *MARIAE* Virg. festo, schisma tandem cessauit.

S. *CYRILLVS* Constantinopoli nobilibus parentibus natus cum ab infantia *Ioannis Baptista & Samuelis* exemplo Deo se dedicasset, in Clericalem *in Aupostea* militiam ascriptus, ad Presbyteratus ordinem euectus est. Quo in ordine sic ad omnia genera doctrinarum capessenda se tradidit, ut insignis ab omnibus haberetur. Fuit in docendo vberissimus, in disputando acerrimus, in praedicando ardentissimus. Illum *Manuel Comnenus* Imperator orientis ad *Alexandrum III.* Pontificem Maximum legatum destinauit pro Imperio Romano antea diuiso, iterum in vnum corpus redigendo. Admonitus aliquando in somnis a *Beatiss. MARIA Virg. ut si saluus esse vellet, Carmelum montem peteret,* omnia sua pauperibus elargitus, Syriam versus nauigauit, ad montemq; *Carmelum* peruenit. Vbi ei oranti inter mirificos splendores praesto fuit B. Virgo dicens: *Hic tutus eris.* Quare sumptu Dei genitricis habitu, ieiunijs, orationibus, & charitatis officijs Deo gratissimus effectus, diuinis etiam reuelationibus dignatus est. Etenim orationibus noctu in Deum raptus, quidam aspectu eximius, Vir facie venerandus, capite infulatus, & religioso amictus vestitu, apparuit, inquit: *Ne timeas Cyrille, ego sum Basilius, quondam sacri huius montis Eremita. post Casarea Cappadociae pastor; scias Christi voluntatem esse, ut in Armeniam, quamprimum pergas, euangelij verbum disseminaturus, & Christo Domino lucernam paraturus.* Qua visione, S. *Brocardo,* tunc tem-

poris Priori manifestata, de illius licentia in Armeniam contendit, & Deo cooperante sequentibus signis rotam Armeniam ad Christi fidem & Romani Pontificis obedientiam reduxit. Post decem annos in *Carmelum* reuersus, defuncto *S. Brocardo*, Prior eligitur, ordinemque suum per viginti & septem annos summa cum laude rexit.

23. Mart.

S. EUPHRASIA virgo, tempore *Theodosij* Senioris Patre Antigono, matre Euphrasia, pari nobilitate claris, ut qui Imperatorem ipsum sanguine attingerent, nata est. Post mortem *Antigoni* vna cum matre in interiorem Thebaidem profecta, ad insigne quoddam sanctimonialium Ord. Carmelit. Monasterium peruenit: in quo sub Abbatissa vna plusquam centum & triginta Moniales degebant, seuerioris disciplinae obseruantissimae. Cilicium enim illis quotidiana vestis erat, ieiunijs vero ita addictae erant, ut earum plures biduum, aliae etiam triduum a cibo abstinere, reliquae non nisi vesperi cibum sumerent. Oleribus tantum ac leguminibus velcentes, vinum, oleum, uuas, ficus, aut etiam poma vel contigisse piaculum erat. In hoc Cœnobio, a septimo usque ad tricesimum aetatis annum *Euphrasia* de virtute in virtutem progrediens, permansit. Patientia namque & humilitate maxime enituit, obedientiae etiam plurimum addicta. Ieiunia vero adeo coluit, ut non biduo, aut hebdomadem tantum, sed & dies quadraginta sine cibo & potu transegerit. Quod agrè ferens humani generis hostis, varijs tentationibus sapissime virginem aggressus est, quas tamen illa ieiunio & oratione fortiter superauit. Ex quo magis ac magis excandescens apertas vitae eius insidias parauit, illam modo in puteum, modo in feruentem ollam praecipitans, vnde nihilominus illa semper Dei virtute euasit. Tantis igitur meritis cumulata, caelesti eam vocante sponso, migravit in caelum.

S. BER.

S. BERTHOLDVS à Malefaida, natione Gallus patria Lemouicensis, adfuit sacra illi, pro recuperanda terra Sancta, expeditioni, quam *Godefridus* Bolioueus, Dux Lotharingæ instituit, & feliciter perfecit anno 1099. vouerat *Bertholdus* iam Sacerdos & Parisiensi Doctorum insula decoratus, dum Antiochia ab hostibus obsidione premeretur, *B. Maria* Virgini se perpetuo ei in monte *Carmelo* famulaturum, si Christianis contra Saracenos victoriam obtineret. Voti compos effectus, promissis stetit, Carmeliq; iuga conscendit ac Mariana militiæ nomen dedit. Tanta fuit eius erga Beatiss. Virginem deuotio, vt nulla decurreret hora diei, qua non suspirijs ac orationibus eandem Virg. humili aduolutus salutaret ac conueniret. Cum autem *Aymericus* Patriarcha Antiochenus & Apostolicæ Sedis Legatus à *Latere*, anno Domini 1121. Carmelitarum ordinem e Græco more ad mores Latinos traduxisset, & ex Monachali, mendicantem effecisset, S. *Bertholdum* primum constituit Priorem Generalem. Ante enim Prælati huius Religionis more Græcorum & Monachalium ordinum, *Ab-bates* dicebantur. Cum autem sanctus hic Vir 45. annis Carmelit. Ordinem omni sanctitate rexisset, senio venerando confectus sanctissimam animam in candidissimæ columbæ specie, Deo creatori suo, bonis operibus & virtutibus refertam, gloria & honore coronatam, ac Angelorum choris stipatam feliciter reddidit anno 1165. ætatis suæ centesimo decimo quinto. De eo fasciculus temporum sequens habet elogium: *S. Bertholdus Carmeli montis Eremitis ab Aymerico Patriarcha Antiocheno, in Priorem assignatus, fama celebriori multis innotescit. Hic inter cætera præclara suæ sanctitatis indicia, Animas quamplurium Fratrum suorum, quos Saracenorū absumpsit gladius, cum corona Martyrij, ab Angelis in cælum deferri, vidit.*

29. Mart.
Molanus.

S. ALBERTVS, natione Gallus, patria Ambianensis, 8. Aprilis.

Molanus
in Au-
ctario ad
Vsuardū.

nensis, Vir doctus & sanctus, *Petri Eremita*, qui *Vrbano II.* Pontif. belli sacri author extitit, Pro-
pos: Episcop. Bethleemiticus & Ascalonitanus, vnus
ex quindecim viris, qui *Balduinum* Flandriæ com-
item, suis suffragijs, Imperatorem Constantinopoli-
tanum constituerunt. Apostolicus in tota Syria
Legatus, demum Patriarcha Hierosolymitanus,
Carmelitis vitæ Regulam ex *S. Basilij* & *B. Iohn-*
nis Episcopi Ierosolymitani scriptis concinnauit.
Obijt anno 1213. porro Carmelitam fuisse testantur
Mantuanus, *Thomas à Iesu*, *Volaterranus*, *Molanus*,
Erardus in fasciculo temporum, & alij complures.

s. Maij.

S. ANGELVS, nobilibus parentibus ad fidem con-
uersis per visum Beatissimæ Virginis, prolem no-
menq; prænuntiantis, Ierosolymis ortus, Angelicæ
virtutis ab infantia specimen dedit. Qui annua-
gens decimum octauum, trium linguarum, Philo-
sophiæ ac sacre Scripturæ peritissimus, Beatiss.
Virg. *MARIÆ* de monte Carmelo Religioni se-
ipsum deuouit. Vbi mira orandi assiduitate, & au-
steritate vitam duxit Angelicam. Cum autem exi-
mius ei honor, ob plurima virtutum ornamenta, &
insignia ac frequentissima miracula, passim defer-
retur, hunc detrectans, in desertum Christi ieiunio
consecratum clam secessit, ibique per quinquen-
nium Angelico pane nutritus, diuinæ contempla-
tioni vacauit, donec iussus à Christo, qui multo An-
gelorum ac Sanctorum comitatu stipatus illi appa-
ruit, in Siciliam iter instituit. Obuios verò pluri-
mos, & Christianos à vitijs, & Iudæos ac Saracenos
ab infidelitate conuertit: & *velut nubes imbrifera*
prædicando circumquaq; discurrens, innumeras Chri-
sto lucrificat animas. Romam perueniens à sanctis
Viris *Francisco* & *Dominico* agnitus, in honore ha-
bitus & familiariter tractatus, *B. Francisco* stigma-
tum impressionem prædixit, à quo & sui Martyrij
prædictionem accepit. Leocatam deinde petiuit:
vbi à nefario quodam, quod sororem publicè
pœni-

pœnitentiam agere fecisset, ac ipsum à publico incestu auertere conaretur, in media concione quinque pugione perfossus est, flexisq; genibus pro perfectore, populoq; precatus, psalmum, *In te Domine speravi*, pronuntians ad versum, *In manus tuas*, è cœlo ad triplicem aureolam vocatus, animam sub columbæ candidissimæ specie visam, efflauit. Et clarissima lux corpori affulgens, cantusq; cœlestes, ac suauissimus odor, Martyris exitum honestarunt. Fons olei à primis vesperis vsque ad secundas, scaturit in eo loco, vbi martyr sanguis effusus est; quo, si qui, eodem die, perunguntur à diuersis languoribus liberantur. Scripsit eius res gestas *B. Enoch* Patriarcha Hierosolymitanus, eiusdem indiuiduus comes.

S. SIMON Stochius honestis in Anglia parentibus ^{16. Maij.}
natus, patria Cantianus. Anno ætatis suæ duodeci- ^{Molanus.}
mo, in solitudinem exiuit, & in trunco concauæ
quereus sibi domicilium elegit, vnde cognomen
accepit. Nam truncus idem latine significat, quod
anglice *Stock*. Ibi, vt scribit Lelandus & Pitæus, ab
omni hominum commercio separatus, tanto copiosius
mentem pauit cœlestibus contemplationis delicijs,
quanto parcius corpus fouit terrenis alimentis. Eo
liberiores habuit Sanctorum communionem, quo rarius
cum hominibus colloquium; precibus, vigilijs, ieiunijs
semper intentus. Frigida aqua potu, herbis & radicibus,
nonnunquam etiam pomis syluestribus, cibis vsus est.
Sed omnem hanc quam corpori intulit austeritatem,
facile absorbit cœlestium rerum assidua meditatio,
omnemq; sensum tanti rigoris penitus abstulit
animus ad superna raptus, & in spiritualis vitæ
dulcedine totus acquiescens. Inter hæc oraculo
cœlesti reuelatum est ei, venturos aliquando in
Angliam ex *Palæstina Syria* quosdam Monachos,
quorum & ipse institutum amplecteretur. Euentus
comprobauit oraculi veritatem. Nam ex *Palæstina*
venerunt in Angliam

Carme.

Carmelita, ad quos celeri gressu & alacri animo se contulit *Simon* & in eorum societatem admissus est. Cuius cœlestem doctrinam raris virtutibus ornatam, vt perspexerunt viri Religiosi, eum mirificè coluerunt, & tanquam virum Dei cœlitis missum suspexerunt. Itaque in primo generali Ordinis capitulo, quod in Anglia celebrarunt, hunc *Simonem* totius Ordinis per vniuersum terrarum orbem Priorem generalem elegerunt. Qui in eo supremo munere Prouincijs omnibus ad annos plures sanctissime præfuit. De eius vitæ sanctitate, prophetiæ spiritu, reuelationibus, alijsq; stupendis signis & prodigijs, multa commemorare, nimis longum esset. Hæc apud eos legi possunt, qui fusè vitam eius scripserunt. Vnum tamen præterire nequeo. Rogarat sapissime, Serenissimam cœli Reginam, sanctus hic Vir, vt antiquum renouare fœdus cum Carmelitis, & eorum erga se filiationis, suam aduersus eos maternitatis, mutæ vtrinque fraternitatis contractum solemnî sigillo, ad perpetuam æternitatis memoriam munire insignireq; dignaretur; his vtens verbis:

*Flos Carmeli, vitis florigera:
Splendor cœli, Virgo puerpera
singularis.
Mater mitis, sed viri nescia,
Carmelitis da priuilegia
stella maris.*

Non defuit pijs, amici sui, votis pijsissima Virgo; etenim diuino radians fulgore, nec non frequenti Angelorum corona stipata illi apparuit. & sacrum porrigens Scapulare, sic allocuta fuit: *Dilectissime fili, hoc recipe tui Ordinis scapulare, mea Confraternitatis signum, tibi & cunctis Carmelitis priuilegium, in quo quis moriens æternum non patietur incendium: ecce signum salutis, salus in periculo, fœdus pacis, & pacti sempiterni.*

Tanti

Tanti miraculi famam excepit cum admiratione orbis vniuersus : veritatem confirmarunt summi Pontifices non pauci *Ioannes XXII. Clemens VII. Gregorius XIII. Sixtus V. Gregorius XIV. Clemens VIII.* & cæteri : sanctitatem coluerunt Imperatores, Reges, Principes, populi, qui in Sodaliitium seu Confraternitatem sacri huius Scapularis passim in toto orbe Christiano, non sine magno pietatis fructu curant ascribi. De hac celeberrima Confraternitate & eius priuilegijs quamplurimi scripsere Authores. Obijt *S. Simon* anno ætatis suæ plus minus centesimo, nati vero Christi Seruatoris 1265.

S. ALBERTVS Confessor, in monte Drepano *7. Aug.* apud Siculos nobilibus parentibus genitus : qui cum viginti & sex annos sine prole in coniugio mansissent, *B. Maria* semper Virgini voto se adstrinxerunt, si filium illis impetraret, se illum Monasterio Carmelitarum, quod prope ipsum montem Drepani situm erat dicaturos. Vou compotes effecti, faciem ex materno utero prodeuntem in quiete viderunt : qua visione, mater puerum *magnum coram Domino* futurum esse Viro suo prædixit, quod rei euentus demonstrauit. Nam, diuina benedictione præuentus, octauum ætatis annum attingens, Monasterium Drepanense ingreditur, vbi vitæ asperitate, ac regularis disciplinæ seueritate delectatus, tantum profecit, vt breui virtutum exemplar cæteris se præbuerit. Castitatis, paupertatis, obedientiæ fuit studiosissimus. Inerat ei magnum animarum salutis desiderium. Quare Iudæos quamplurimos, aliosq; infideles prædicatione sua ad Christi fidem conuertit. Miraculorum quoq; gratia illustris fuit. Tandem annu agens octogesimum, graui correptus morbo, accersitis Fratribus, suum ac sororis, quæ ducentis & sexaginta milliaribus ab eo aberat, eundem obitus diem (vt postea euenit) prædixit. Cumq; hora vespertina transitum suum immi-

immi-

imminere cognosceret, genibus humi se stravit, & oculis ad Deum intentis, psalmum, *In te Domine speravi*, pronuntians, in illis verbis: *in manus tuas Domine commendo spiritum meum*: efflauit animam. Quam in specie candidissimæ columbæ de illius ore exeuntem, ac recta in cælum via euolantem circumstantes Fratres viderunt. Cumq; innumeris coruscaret miraculis, & populus missam de sancto Confessore, Clerus vero pro defuncto celebrare vellet; à Domino diuinum responsum expectandum Episcopus iussit. Quibus orantibus duo Angeli in albis adstantes, Missam, *Os iusti meditabitur sapientiam*, de sancto Confessore celebrandam esse indicarunt: qua solemnissimè celebrata sanctum illud corpus honorificè conditum est: vitam eius recitat Surius Tom. 4. Eam ipsam Mantuanus carmine sapphico est complexus. Est alius à S. Alberto Patriarcha Ierosolymitano.

2. Septēb.

Molanus. S. BROCARDVS patria & cognomento Hierosolymitanus, secundus Latinorum Generalis Prior Carmelitarum: Vir insigni vitæ sanctitate, varioq; doctrinæ genere celebris. Is est cui S. Albertus Patriarcha Hierosolymitanus Regulam Carmelitarum inscripsit: ad cuius obseruationem, aluminos suæ Religionis, omni quidem tempore maxime tamen sub mortem, his & similibus verbis est cohortatus: *Filij, inquit, desideratissimi, corona mea, & gloria mea. Vocauit nos Deus ad Prophetarum ordinem, ad Eremitarum suorum numerum, glorioso hoc titulo decoratum, Fratrum B. MARIE de monte Carmelo. Videte, oro, ne post discessum meum, vobis hunc titulum ineptè & vaxè concreditum esse reprehendimini. Estote fortes in bello, induite brachium Domini, in sanctæ Romanæ Ecclesiæ obsequio constanter perseuerate: diuitia si affluant nolite cor apponere, et si mundus vos odit, mementote, quia Christum IESVM Dei filium prius odio habuit. Omnem vitam vestram ad Eliæ & Mariæ viuendi normam componite.*

componite. *Æmulatores estote legis à me vobis propo-
sita & date animas vestras pro testamento patrum no-
strorum Eliæ, Elifæi & Ioannis Baptistæ & memen-
tote operum, quæ fecerunt, & accipietis gloriam ma-
gnam & nomen æternum. Confortamini ergo, ô Filij,
& viriliter agite in lege prædicta, quia in ipsa gloriosè
eritis. Interim oculis in cælum intentis iterato præ-
cabatur: Bone IESU suscipe me, & conserva eos, quos
dedisti mihi, ut non perdam quenquam illorum. Qui-
bus in verbis animam illam niue candidiorem ex-
halavit, 2. Septemb. anno 1196. ætatis suæ anno
octogesimo, vel & alijs placet, nonagesimo. Cuius
mortem, cum S. Albertus Patriarcha, eius quon-
dam in Carmelo collega, audisset, ait: *Iam flos Car-
meli decidit. Inde flens vbertim, subiunxit: Iam se-
curus est, tutus est: inter principes Ecclesiæ sublima-
tus: Catalogo Sanctorum inscribendus.**

S. GERARDVS patricius Venetus, illustri Sagre-^{24. Sept.}
dorum familia ortus, ex monacho Carmelita Cana-
diensis Episcopus & Antiochenus Patriarcha crea-
tus; Vngarorum *Apostolus*, Pannoniæq; *Protomar-
tyr* fuit. Martyrium subiit anno Domini 1042. æta-
tis suæ 61. Fuit & alius huius nominis & Religionis
Monachus, qui erecto Ierosolymis insigni Xeno-
dochio, pro subleuandis peregrinorum necessita-
tibus, initium dedit ordini *Hospitalariorum*, seu
Equitum S. Ioannis Baptistæ, qui nunc *Melitenses*
dicuntur.

S. HILARION Abbas, de quo sequens, referunt ^{21. Octob.}
antiqua Græcorum monumenta, Elogium.

Hilarion Tabathensis Palæstinus, natus Gentilis.

Alexandria Christum cognoscit.

Bimestris Antonij discipulus. Eremitæ cultor.

Essenorum dispersorum, in Carmelo Palæstin.

Reparator magnificus.

*Quos item Gaza, Bethelia, Pelusij, Lychni mirè
propagat.*

Episcopos Exules visitat.

○

Sub

*Sub Aug. Imp. Const. & Const. Iulianum fugit.
Siciliam, Dalmatiam & Cyprum peragratus.
Ieiunijs maceratus, Senio moritur sancto.*

ANNO ECCLXXII.

Alium quoque habet ordo Carmelit. sanctum *Hilarionem*, inelytum Christi martyrem, & terræ sanctæ Prouincialem. Cuius meminit Ioannes Grossi in *Viridario Ord. Carmelit.*

30. Octob. S. SERAPION ex Ord. Carmel. octauus Episcopus Antiochenus, eruditione clarissimus.

14. Decëb. S. SPIRIDION Trimythuntis vrbis Cyprî Episcopus, vnus fuit ex ijs Confessoribus, qui *Maxim* Imperatore, dextero oculo eruto, & sinistro poplite succiso, ad metalla relegati sunt. Hic, *Constantino* Imperatore, Nicæno Concilio interfuit, & Sardicensium Patrum Confessum sua quoque præsentia, vt *B. Athanasius* testatur, ornauit. De eo tradunt *Historiæ Ecclesiasticæ*, quod fuerit *ordinis Prophetici*, siue *ex ordine Prophetarum*; & quod duxerit *vitam Propheticam*, non quod ipse futura tantum prædiceret, sed quod propheticæ Religionis à Propheta *Elia* institutæ fuerit alumnus. Illustris. Card. Baronius hunc virum *S. Nicolao* Episcopo Mirensi in Lycia non imparem sanctitate & miraculorum gloria confitetur.

De præfatis SANCTIS, tanquam de Sanctis sui Ordinis, propria, vt vocant, officia Ecclesiastica recitant Carmelitæ Excalceati: vt patet ex proprio Sanctorum huius Ordinis, à *Sixto V.* & *Paulo V.* Sum. Pontif. approbato: quod Romæ, Viennæ Austriæ, Antuerpiæ, & alibi typis editum legitur.

Præter hos, lego & alios huius instituti Monachos ac Moniales sanctitatis opinione floruisse. Fuit in his *B. Theodoricus* Alemanus natione & cognomine, Germaniæ quondam Prouincialis: cuius res gestas ac miracula narrat *Paleonydorus*. Floruit circa annum 1371. Molanus in *Auctario ad Vsuarum martyrologium* 15. Octob. ipsum *Sanctum* nuncupat.

S. Ev-

S. EUTYCHIVS generalis Carmeli Abbas. Hic 17. Octob.
Meletium, postea Episcopum Antiochenum, ad
 fidem Christi & Carmelum adduxit: Sanctum quoq;
Basilium Sacrae huius Religionis habitu inuestiuit;
 cuius duo fratres *Gregorius* & *Petrus*, necnon
S. Amphilocheus, *S. Gregorius Nazianzenus*, *Eubu-*
lus, *Ioannes Chrysostomus*, *S. Cyrillus*, qui postmo-
 dum fuit Patriarcha Hierosolymitanus & Eutychi
 successor in generali Carmeli praefectura, eiusdem
S. Eutychi tempore in diuersis Cœnobijs Religio-
 nem hanc professi sunt, teste Paleonydoro & alijs.
 Eius Festiuitas 17. Octob. peragitur iuxta Molani
 Martyrologium.

B. FRANCIVS *Senensis*, Deiparae Virginis cultui *Plures*
 deditissimus, Cremonae in Italia claruit circa an- *Sanctos*
 num 1371. teste eodem Paleonydoro. *Ord. Car-*

Omitto B. *Angelam* Bohemiae Regis Filiam, *mel. repe-*
B. Ioannam, *B. Annam* virgines Tholosanas, *B. Ma-*
riam Magdalenam de Paz, quae obiit anno 1607. *Elogio su-*
B. THERESIAM, aliasq; virgines sanctimonia vitaeq; *praeposito.*
 integritate illustres: de quibus Paleonydorus, *Di-*
dacus Coria, *Ribera*, *Iepesius*, & caeteri rerum Car-
 melitarum Scriptores consulendi.

CAPVT VII.

Carmeliticarum rerum Scriptores.

DE rebus Carmeliticis qui scripserint libet
 Coronidis loco subnectere. Sequar autem
 alphabeti seriem, confusio ni vitandae.

AVTORES ORD. CARMEL.

AGIDIUS *Fabri* Belga scripsit *Ordinis sui Chro-*
nicon, & alia quamplurima. Floruit an-
 no 1506.

S. ALBERTVS Patriarcha Ierosolymitanus Re-
 gulam Carmelitis ex *S. Basilij* Caesariensis in Cap-
 padocia Episcopi, & *B. Ioannis* Patriarchae Ieroso-
 lymitani